



Mi Status isch: Y hogg am Strand  
bim vierte Gin, stregg d Fliess in Sand  
und gniess dr erscht vo 10 Daag frey...  
Kollege vom Schaffe wo's laigge: 3

Nei suuuper, toll, ouh ych will auuu!!!!  
Das intressiert genau: kei Sau

Hejooo, dr Ander! Das Hotel kenny!!!  
An dr Poolbar schafft doch d Jenny!  
seisch däre moll e Gruess vom Willy!! ;-)  
'D Jenny kenn-y' teile: Vylli

Hey Willy, jetzt längst mit dim Röggli-Fimmel!  
Beziehigsstatus zrug uff: single

Uff #twitter seit en Ägypter grad  
Di Hotel seyg sicher vor Attentat!!

D Revoluzzioon bruucht doch zwäxs Verbreitig  
vill meh no als Bombe en Internetleitig  
mit 'Research In Motion'-Server als Norm  
Religiöosi Aasichte: BlackBerry Storm

Jä hesch si gseh, die Insel-Affe???  
mit däre Smartphone-Wunderwaffe  
mache si ab und plündere d Stadt  
Lieblingszitaat: I don't give a fuck!!

Y glaub, könnt me das Flash inschattaliere  
wäre d Lütt nüm so vill Häls am seziere  
mit einere Hand do fält eifach d Kraft  
Dini Fründe uff Youporn: E Hundertschaft

Du fräche Siech!! Dä Comment mäld y  
grad em Facebook-Oberfäldi!!  
Dä speert di denn und löscht s Profil  
Dermasse debiil: sinn ebbe no vill

Das glaubsch mr nit?? Dä Vorwurf wiegt schwäär?  
Hey Alte, liis emoll d'BaZ-Komentäär!!!  
Nei, die vo de Lääser, nit die vom Redagge!!  
Die teile zwar zämme: Dr glyychi Karaggder

Das kunnt halt drvo, wenn jeede Depp  
e Daatefltrateleitig hett  
S isch truurig, aber si wähle am Änd als  
Lieblingsändig: Dschungelcämp

In Ächtzytt wältwytt publiziere?

Bitz uffem Touchscreen ummeschmiere?

Mit Stausupdates go brilliere?

S Volk zum Umsturz motiviere?

Oder alles zensuriere?

Y mein dängg nit alles, nur e paar Styggli...

Dämfalls au nit alles vo dr Frau Rickli?

Die isch zwar blond, das wär no OK  
Y ha se moll uff eme Fötteli gseh  
Aber d Fraktionstweets vo däre sinn bitter  
Glaubs mr, y weisses, y verfolg die uff #twitter

D Sachlaag isch klar, mir züchten im Web  
nytt als Neuroose und jeede Depp  
haut sälschtverliebte Saich in Äther  
Diese Gruppe verlassen? Nicht jetzt, vielleicht später

D Bilanz vom Ganze liggt total im Arge  
Dr Wärt vo Facebook???: 10 Milliarde!!!  
S isch offesichtig: Dä goht in d Hose!  
Bi sovyl Brunz in einere Bloose

Was blybt eim no übrig? Das frooge sich d Anons  
und zücke d Low Orbit Ion Canons  
si fagge nit lang und drugge grad ab  
si machen e Screenshot und lache sich schlapp

Dasch doch kriminell, das sinn Terrorische!!  
Dä Assange isch tschuld und soll ab in d Kische!  
Dört hoggt scho Dr Kimble und luegt e chli sträng  
Zwei teile ei Meinig: S wird wohrschiins rächt äng

Au d Bebbi ZweiNull – neu: in HD Full  
Riskiere do meh als nur Daate z verliere:  
Wenns s Bildschirmglas bricht  
verliere mr s Gsicht

Und das wär dramatisch für alli Narzichte  
Wo meine ihr Ego miesst in e Kische  
Mit zweituusig Pixel Breiti passe  
Lieblingsbuech: Ich finde mich klasse!

Mir makes wie alli: mir exponiere  
s Inneläabe bis uff d Niere  
Löhn d Hoose n aabe und finde s chic:  
Une clique s'expose en numérique!

Stay in the loop - join our FB-Group  
and enjoy in HD Full:  
[facebook.com/groups/bebbizweinnull/](https://facebook.com/groups/bebbizweinnull/)

De kunnsch noonig druss? Dy Leitig isch z lang?  
Gang uff [facebook.com/Radabang](https://facebook.com/Radabang)  
Dört kasch uns kritisch kommentiere  
und Linggs aaklicke wo wytterfiehre  
Wie dä vo dr Ladäarne oder em Mägge  
die kasch via GPS-APP träge